



Swydd Ddisgrifiad: Swyddog Datblygu

Menter Iaith Fflint a Wrecsam

Cefndir

Nod y Mentrau Iaith ydy hybu a hyrwyddo'r Gymraeg ar draws Cymru. Sefydlwyd y Fenter Iaith gyntaf yng Nghwm Gwendraeth yn 1991, ac erbyn hyn mae 22 Menter Iaith yn gwasanaethu pob rhan o Gymru. Wedi tyfu o awydd a dyheadau pobl leol y mae'r Mentrau Iaith, er mwyn hyrwyddo defnydd y Gymraeg ym mhob agwedd ar fywyd yn eu cymunedau. Yn 2017 ddaeth Menter Iaith Sir y Fflint a Menter Iaith Maelor ynghyd i greu Menter newydd – **Menter Iaith Fflint a Wrecsam**. Lleolir swyddfa'r Fenter yn yr Wyddgrug, gan wasanaethu pob ardal a holl drigolion siroedd y Fflint a Wrecsam. Mae'r Fenter yn cyflogi 7 aelod o staff.

Gwaith Menter Iaith Fflint a Wrecsam

Mae'r Mentrau Iaith yn un o bartneriaid allweddol Llywodraeth Cymru ac yn gweithredu ar lawr gwlad i wireddu amcanion **Cymraeg 2050: Strategaeth y Gymraeg** – sydd yn nodi sut bydd Llywodraeth Cymru yn cyrraedd y targed o filiwn o siaradwyr Cymraeg erbyn y flwyddyn 2050. Mae pob Menter Iaith yn gweithredu mewn ffordd unigryw yn ddibynnol ar anghenion lleol. Ein prif feysydd gwaith yma yn siroedd y Fflint a Wrecsam ydy:

Teuluoedd: Mae ein gweithgareddau a phrosiectau yn annog trosglwyddo'r iaith yn y cartref, tynnu sylw at fanteision dewis Addysg Gymraeg, ac yn cefnogi defnydd o'r Gymraeg o fewn gwasanaethau gofal a chwarae.

Plant a Phobl Ifanc: Rydym yn gweithredu i gynyddu'r ddarpariaeth hamdden a chymunedol ar gyfer plant a phobl ifanc er mwyn rhoi cyfle iddynt ddefnyddio'r Gymraeg yn gymdeithasol tu allan i'r ysgol.

Y Gymuned: Trwy gydweithio â siaradwyr Cymraeg a dysgwyr yn eu cymunedau eu hunain rydym yn gweithio i gryfhau'r iaith fel iaith gymunedol, naturiol.

Prif Gyfrifoldebau:-

- Gweithio gyda staff eraill Menter Iaith Fflint a Wrecsam i weithredu Rhaglen Waith y Fenter trwy drefnu gweithgareddau blaengar a phoblogaidd sydd yn defnyddio'r Gymraeg fel cyfrwng cyfathrebu naturiol a hwyliog;
- Datblygu prosiectau penodol a flaenoriaethwyd yng Nghynllun Corfforaethol Menter Iaith Fflint a Wrecsam;
- Paratoi ceisiadau am nawdd ar gyfer datblygu a chyllido prosiectau a gweithgareddau;
- Cynorthwyo'r Swyddog Busnes i reoli gwariant cyllideb prosiectau a gweithgareddau'r Fenter;
- Cydweithio â phartneriaid y Fforwm Sirol i gefnogi unrhyw weithgaredd sy'n bodoli eisoes trwy gyfrwng y Gymraeg a llenwi bylchau yn y ddarpariaeth bresennol;
- Cynorthwyo i sefydlu a chynnal Pwyllgorau Ardal mewn ardaloedd ieithyddol penodol;
- Creu a pharatoi deunyddiau marchnata a datblygu ymgyrchoedd marchnata penodol fel bo'r angen a chynorthwyo wrth weithredu Cynllun Marchnata'r Fenter;
- Cynorthwyo i godi proffil y Fenter yn y wasg leol a chenedlaethol;
- Mynychu cyfarfodydd ar ran y Prif Swyddog pan fo angen.

Telerau'r Swydd

Cyflog:	£18,070- £20,253 (yn ddibynnol ar brofiad a sgiliau). Telir pensiwn hyd at 6% i mewn i gynllun pensiwn y Fenter.
Costau Teithio:	Telir costau teithio o 45c y filltir.
Oriau Gwaith:	37 awr yr wythnos. Bydd disgwyl i'r sawl a benodir weithio oriau anghymdeithasol yn unol â galwadau gwaith ar adegau. Cynigir amser yn lle hynny (<i>TOIL</i>) drwy gytundeb â'r Prif Swyddog.
Gwyliau:	24 diwrnod y flwyddyn. Nid yw hyn yn cynnwys gwyliau banc.



- Hyd y Contract:** Swydd barhaol llawn amser (yn ddibynnol ar gyllid ac adnoddau) yn amodol ar adolygiad perfformiad boddhaol ar ôl tri mis.
- Strwythur Rheoli:** Byddwch yn gweithio o dan gyfarwyddyd Prif Swyddog Menter Iaith Fflint a Wrecsam. Byddwch yn atebol i Fwrdd Cyfarwyddwyr Menter Iaith Fflint a Wrecsam.
- Rhybudd Terfynu Swydd:** 1 mis
- Lleoliad:** Corlan, Uned 3, Parc Busnes yr Wyddgrug, yr Wyddgrug, CH7 1XP